

## **Radyo an Norvys**

(<http://www.dasunys.net/podcast.htm>)

**Titel:** Nowodhow an seythun (30/01/08)

**Auctour:** Matthew Clarke

**Dydh:** 30 Genver 2008

**Pesyans:** 00:04:31

Kernewek veu menegys der bellwolok dreus-Breten Veurek an seythun ma.

An One Show a wrug derivas a-dro dhe'n taves a Guernsey.

Warlergh an derivas... yth esa keskows gans Jason Donovan awos ev dhe vos sterenn yn towlenn settyes ha fylmyes yn Kernow... ha gans unn bresentyades drefenn bos hy theylu devedhys a Gernow.

Ottomma an keskows na par dell veu tavethlys der BBC-onan an dy'Lun ma.

[CLIP]

Lannyust a garsa drehevel delow a dhen-bal kober a-vel kov dhe'n kansow a wre gonis yn-dann an dor dhe Hwel Geevor.

Byttegyns i re dheuth erbynn kudynnnow.

I a garsa y wul a gober... mes yma kost a'n metol ow kressya yn uskis.

Dhe'n dallethvos, pris an delow o dew ugens mil peuns... mes lemmyn res yw dhedha hwilas deg mil peuns moy.

Dydh Lowender veu synsys an bennseythun yw passyes yn Fordh Ponsmeur.

Yth esa pypmp person warn ugens ena... ha chons dhedha a glappya Kernewek heb bern a'n taves skrifys.

An nessa hwarvos rag an yeth yn arbennik a vydh Pennseythun Gernewek Kowethas An Yeth dhe Dewynn Bleustra.

Rygbi lemmyn

<>

Yth esa moy a nowodhow skruthus a'n seythun yw passyes dhe'n Vorladron.

Kocha Jim McKay re asas an para.

My re wovynnas orth skoedhyas krev Rod Lyon a-dro dhe'n diberthyans ma...

[CLIP]

Yth esa tri assayans oll warbarth dhe'n Exeter Chiefs Dy' Sadorn, hag awos henna fethys veu an Vorladron Gernewek nownsek-poynt-warn-ugens erbynn naw-warn-ugens.

Dohajydh anattes o dhe Graham Dawe a Plymouth Albion drefenn bos y bara koth y honan a wrug fetha y vagas a-lemmyn. Lannstefan a fethas Albion seytek-poynt dhe hwetek.

Ha Rysrudh eth war-hyns dhe Loundres ha gwaynya erbynn Blackheath etek dhe dheg.

Na wrewgh ankevi... mars esowgh Kerneweger ha bos nowodhow dhywgh, da via genev klywes dhiworthowgh a-dro dhe'gas hwedhelow.

Mar kyllowgh dannvon mp3 berr ynwedh gans neppyth leveryys a'n destenn... marthys dres eghenn via.

Bys nessa seythun... dyw genowgh.